

ECONOMÍA E ORGANIZACIÓN DE EMPRESAS

Aclaracións: As preguntas curtas (da 1 á 4) contéstense brevemente (de 3 a 5 liñas).

OPCIÓN 1

- 1.- ¿Qué é unha cooperativa? Distingue entre cooperativas de primeiro e segundo grado. (0,75 pts.)
- 2.- Señala as principais causas de extinción dun contrato de traballo (0,75 pts.)
- 3.- Describe brevemente en qué consiste a división do traballo. Pon un exemplo. (0,75 pts.)
- 4.- Define os conceptos de custos medios e marxinais. (0,75 pts.)
- 5.- O financiamento bancario: préstamos, créditos e desconto de efectos. (2 pts.)
- 6.- Unha empresa está sometendo a análise dous proxectos de inversión, dos que ten a seguinte información: o primeiro dos proxectos supón un desembolso inicial de 5.000 u.m. e vai a proporcionar uns ingresos de 7.000 u.m. o primeiro ano e 8.000 u.m. o segundo ano. Os pagos correspondentes a cada ano serían 2.000 e 3.000 u.m. respectivamente. O segundo proxecto implica un desembolso inicial de 7.000 u.m. e proporciona uns ingresos de 10.000 u.m. o primeiro ano e 8.000 u.m. o segundo, sendo os pagos correspondentes a ditos anos de 1000 e 5.500 u.m.
Pídese: a) Calcular os fluxos netos de caixa correspondentes os dous proxectos nos dous anos e a taxa de rendibilidade interna (TIR) dos proxectos (1 pto), b) Calcular o valor actual neto (VAN) para os proxectos, tendo en conta que o tipo de xuro é do 10% (1 pto). c) Razoar cal das dúas inversións é máis conveniente (0,5 pts).
- 7.- Unha empresa vende 40 unidades de produto. Cada unha delas necesita 2 horas de man de obra sendo o prezo por hora de cada traballador de 12€, e 4 unidades de materias primas cun custo unitario de 7€. Si a cifra de ventas da empresa ascende a 6.000€ e os seus custos fixos a 1.200€.
Pídese: a) Calcular o beneficio da empresa (0,5 pts). b) Calcular e interpretar o punto morto desta empresa (1 pto), c) Efectúa a representación gráfica das funcións de ingresos e custos, indicando cal é o punto morto desta empresa e indicando tamén as zonas de beneficios e perdas (1 pto).

OPCIÓN 2

- 1.- ¿Qué se entende por valor engadido?. (0,75 pts.)
- 2.- Diferencia entre custos fixos e custos variables. Pon un exemplo de ambos. (0,75 pts.)
- 3.- ¿Qué se entende por segmentación de mercados? Menciona algunha das variables utilizadas neste proceso. (0,75 pts.)
- 4.- Distingue entre estrutura de organización lineal e funcional. (0,75 pts.)
- 5.- ¿Qué se entende por marketing-mix? Explica as políticas que engloba. (2 pts.)
- 6.- Dados os seguintes datos correspondentes a unha empresa: Construcións 7.000, Provedores 3.000, Mobiliario 5.000, Clientes 2.000, Bancos c/c 1.000, Débedas a curto prazo 4.000, Débedas a longo prazo 15.000, Existencias. 1.000, Terreos 20.000.
Pídese: a) Elaborar o balance correspondente calculando o valor da conta de capital (1 pto), b) Calcular a ratio de liquidez e a ratio de solvencia ($L = \frac{\text{dispoñible} + \text{realizable}}{\text{pasivo circulante}}$; $S = \frac{\text{activo circulante}}{\text{pasivo circulante}}$) (1 pto), c) Interpretar os resultados obtidos en b) (0,5 pts).
- 7.- O almacén dunha empresa rexistra os seguintes movementos das existencias ó longo do ano 2003. En Xaneiro: Compra 200 unidades a 0,8€ e Vende 500 unidades; Febreiro: Compra 100 unidades a 0,6€ e Vende 300 unidades; Marzo: Compra 600 unidades a 0,9€ e Vende 400 unidades.
Pídese: a) Sabendo que as existencias iniciais eran de 1.000 unidades, compradas a 0,7€, calcular mediante o método FIFO cal sería o valor de almacén o final do mes de Marzo (1 pto). b) Calcular o valor das ventas neses tres meses (1 pto), c) Explicar a diferenza entre valorar os stocks por este método e polo do prezo medio ponderado (0,5 pts).

ECONOMÍA E ORGANIZACIÓN DE EMPRESAS

Aclaracións: As preguntas curtas (da 1 á 4) contéstense brevemente (de 3 a 5 liñas)

OPCIÓN 1

- 1.- Diferencia entre unha sociedade de responsabilidade limitada e unha sociedade anónima. (0,75 pts.)
- 2.- Sinala os libros contables obrigatorios para unha sociedade, indicando o tipo de información que recollen. (0,75 pts.)
- 3.- Define o concepto de capital circulante e indica cómo se determina o seu valor. (0,75 pts.)
- 4.- Diferencia entre financiamento interno de enriquecemento e de mantemento. (0,75 pts.)
- 5.- Concepto e necesidade de organización. Comenta os principios básicos da organización empresarial (2 pts)
- 6.- A empresa CONTA S.A. ten os seguintes elementos patrimoniais a 31-12-2002 (valorados en euros): Terreos 50.000, Construcións 15.000, Amortización acumulada das construcións ata a data 7.000, Débedas a curto prazo 2.000, Débedas a longo prazo 9.500, Mobiliario 1.000, Instalacións 5.000, Provedores 8.000, Clientes 6.000, Mercadorías 12.000, Capital 40.000, Reservas legais 8.000, Reservas voluntarias 16.000, Caixa 1.500. Pídese:
 - a) Elaborar o balance de situación desta empresa agrupando as contas en masas patrimoniais (1 pto), b) Calcular os seguintes ratios: Tesourería, Liquidez e Garantía ($T = \text{disponible} + \text{realizable} / \text{esixible a curto prazo}$; $L = \text{dispoñible} + \text{realizable} + \text{existencias} / \text{pasivo circulante}$; $G = \text{activo real} / \text{esixible total}$) (1 pto).
 - c) Interpreta os resultados do apartado anterior (0,5 pts).
- 7.- Unha empresa que fabrica televisores soporta uns custos fixos de 2.000.000 euros e un custo variable unitario de 400 euros. O prezo de venda de cada televisor é de 900 euros:
Pídese: a) ¿Qué cantidade de televisores tería que producir esta empresa para cubrir os seus custos totais? (1 pto). b) ¿A partir de que volume de produción obterá beneficios esta empresa?. ¿Qué nome recibe a cantidade obtida?. Xustifica a túa resposta cunha representación gráfica (1 pto). c) ¿Qué tería que facer a empresa, no relativo á cantidade producida, si debido á competencia, se vira obrigada a reducir o prezo dos televisores a 650 euros?. Razona a resposta (0,5 pts).

OPCIÓN 2

- 1.- Sinala os distintos ámbitos de xestión dos impostos. Ilustra a túa resposta con algún exemplo (0,75 pts.)
- 2.- ¿Cal é o principal factor que na túa opinión permite distiguir as visións do papel do empresario segundo Adam Smith e Schumpeter?. (0,75 pts.)
- 3.- ¿Qué criterios se poden empregar para clasificar unha empresa de acordo coa súa dimensión? (0,75 pts.)
- 4.- ¿Qué se entende por umbral de rendibilidade o punto morto? (0,75 pts.)
- 5.- Fontes de financiamento externo da empresa: concepto, tipoloxía e custos. (2 pts.)
- 6.- Unha empresa está valorando a posibilidade de realizar unha inversión, para a que se lle presentan dúas posibilidades: Inversión A (desembolso inicial: 5.000, fluxos de caixa: 12.000 e 4.000), Inversión B (desembolso inicial: 7.000, fluxos de caixa: 9.000 y 2.500).
Pídese: a) Calcular a taxa de rendibilidade interna (TIR) das dúas inversións (1 pto). b) Sabendo que o tipo de xuro é do 11%, cal é o VAN de cada inversión (1 pto). c) Razonar cal é o proxecto que poñerá en marcha a empresa (0,5 pts).
- 7.- A empresa BERT, S.A. comercializa recambios eléctricos. A principio do mes de xullo contaba cunhas existencias de 200 unidades a un prezo de 1.000 u.m. por unidade. Durante o mes de xullo realizou as seguintes operacións: o día 5 compra 400 unidades a 1.200 u.m. por unidade; o día 7 compra 800 unidades a 720 u.m. por unidade; o día 21 vende 200 unidades; o día 23 vende 1.200 unidades; o 26 compra 400 unidades a 1.400 u.m. por unidade e o día 27 vende 200 unidades.
Pídese: a) Valora as existencias de mercadorías no almacén a finais de mes de acordo co criterio FIFO (1 pto). b) Valora as existencias de mercadorías no almacén a finais de mes de acordo co método do Prezo Medio Ponderado (1 pto), c) ¿En qué se diferencian os criterios de valoración FIFO e LIFO? (0,5 pts).

CONVOCATORIA DE XUÑO

Criterio válido para ambas opcións: Nas catro preguntas curtas (de 0,75 pts.) e nos casos nos que non se ofrezan definicións exactas e precisas dos conceptos, valoraránse positivamente os exemplos, aclaracións ou explicacións relativas a aqueles.

Na valoración das demais preguntas aplícanse os seguintes criterios á hora de desglosar a puntuación máxima que se pode acadar en cada unha delas:

OPCION 1

1ª Caracterización das cooperativas: 0,5 pts
Distinción entre cooperativas de primeiro e segundo grao: 0,25 pts.

2ª Por cada causa de extinción mencionada 0,25 pts

3ª Explicación do concepto de división do traballo: 0,5 pts.
Exemplo: 0,25 pts.

4ª Definición correcta dos dous tipos de custos: 0,75 pts.

Se só se define correctamente un tipo de custos: 0,25 pts.

5ª Explicación acerca dos préstamos. 0,75 pts

Explicación dos créditos: 0,75 pts

Distinción entre créditos e préstamos: 0,25 pts.

Desconto de efectos: 0,25

6ª a) Planteamento da expresión que permite calcular a TIR (0,5 pts.), cálculo correcto do valor concreto da TIR (0,5 pts.)

b) Planteamento correcto da expresión que permite calcular o VAN (0,5 pts.), cálculo correcto do valor concreto do VAN (0,5 pts.)

c) Razoamento correcto (0,5 pts).

7ª a) Cálculo do beneficio: 0,5 pts. (Se está ben planteado, pero a cifra obtida non é a correcta, valórase con 0,25 pts)

b) Cálculo do ponto morto: 0,75 pts. (se está ben planteado, pero a cifra obtida non é a correcta valórase con 0,5 pts.). Interpretación: 0,25 pts.

c) Representación gráfica: función de ingresos (0,25), función de custos (0,25), sinalización do punto morto (0,25), delimitación de zonas de beneficios e perdas (0,25)

OPCION 2

1ª Explicación do concepto de valor engadido (0,75 pts.) (Non admite cualificacións intermedias)

2ª Diferenciación entre ambos tipos de custos: 0,5 pts. Exemplos: 0,25 pts

3ª Explicación da idea de segmentación de mercados: 0,5 pts. Mención dalguna das variables: 0,25 pts.

4ª Distinción (aínda que sexa mediante exemplos): 0,75 pts. Non admite cualificacións intermedias.

5ª Por cada unha das políticas que engloba o marketing mix outórganse 0,5 pts.

6ª a) Construcción do balance distinguindo Activo fixo, Activo circulante, Pasivo circulante, Pasivo fixo, Capital (0,75 pts.) Cada un dos elementos que se ubique incorrectamente no balance penalízase con -0,25 pts. Determinación do valor do capital (0,25).

b) Cálculo de L (0,5), cálculo de S (0,5). Interpretación razoada (0,5)

7ª. Os distintos apartados non admiten cualificacións intermedias (salvo erratas puramente aritméticas que serán penalizables cada unha delas con -0,25 pts.). Polo tanto:

a) Cálculo do valor do almacén ao final do mes de marzo: 1 pto.

b) Valor das vendas nos tres meses (1 pto.)

c) Explicación da diferenza entre os dous métodos de valoración (0,5 pts.)

CONVOCATORIA DE SETEMBRO

Criterio válido para ambas opcións: Nas catro preguntas curtas (de 0,75 pts.) e nos casos nos que non se ofrezan definicións exactas e precisas dos conceptos, valoraranse positivamente os exemplos, aclaracións ou explicacións relativas a aqueles.

Na valoración das demais preguntas aplícanse os seguintes criterios á hora de desglosar a puntuación máxima que se pode acadar en cada unha delas:

OPCIÓN 1:

1ª Valórase como resposta correcta a mención de calquera dos aspectos ou riscos que difiren entre ambos tipos de sociedades

2ª Mera mención dos libros (0,5 pts.) Alusión á información que recollen (0,25 pts. Se só se menciona un libro (0,25 pts.)

3ª Aclaración sobre como se determina o valor (0,5 pts.). Alusión ao significado do concepto de capital circulante (0,25 pts.)

4ª Valórase como correcta a resposta na que se establece a diferenza en termos dos obxectivos de ambos tipos de financiación. Tamén se considerará correcta unha diferenciación realizada en termos do tipo de fondos que se inclúen dentro de cada unha destas formas de financiación. No caso de que se identifique correctamente unha das modalidades de financiación, outórgase unha puntuación de 0,25 pts.

5ª Explicación da idea e importancia da organización (0,5 pts.). Cada principio básico comentado (0,5 pts.). Valoraranse positivamente alusións aos elementos da estrutura organizativa, á forma e clases de organigrama, ...

6ª a) Construción do balance distinguindo Activo fixo, Activo circulante, Pasivo circulante, Pasivo fixo, Capital (1 pto.) Cada un dos elementos que se ubique incorrectamente no balance penalízase con -0,25 pts.

b) Cálculo de T (0,5 pts.), cálculo de L (0,25 pts.), cálculo de G (0,25 pts.)

c) Interpretación razoada (0,5). Afirmación sen xustificar (0,25 pts.)

7ª a) Cálculo da cantidade: 1 pto. (Se está ben planteado, pero a cifra obtida non é a correcta, valórase con 0,75 pts.)

b) Resposta correcta á primeira pregunta deste apartado (ou alomenos coherente co obtido no primeiro apartado): 0,25 pts. Resposta á segunda pregunta: 0,25 pts. Representación gráfica: función de ingresos e función de custos (0,25), sinalización do punto morto e delimitación de zonas de beneficios e perdas (0,25)

c) Resposta mediante afirmación sen xustificar (0,25 pts.). Razoamento da resposta: 0,25 pts.

OPCIÓN 2:

1º Identificación de máis dun ámbito de xestión (0,5 pts.) Exemplo (0,25 pts.)

2ª Se só se asocia correctamente un factor a un dos autores (0,25 pts.)

3ª Por cada un dos criterios que se mencionen se outórgase unha cualificación de 0,25 pts.

4ª A resposta a esta pregunta non admite cualificacións intermedias.

5ª Concepto (0,5 pts.). Por cada tipo que se mencione 0,25 pts. Alusión aos custos das distintas modalidades de financiación: 0,25 pts.

6º a) Planteamento da expresión que permite calcular a TIR (0,5 pts.), cálculo correcto do valor concreto da TIR (0,5 pts.)

b) Planteamento correcto da expresión que permite calcular o VAN (0,5 pts.), cálculo correcto do valor concreto do VAN (0,5 pts.)

c) Razoamento correcto (0,5 pts.)

7ª. Os distintos apartados non admiten cualificacións intermedias (salvo erratas puramente aritméticas que serán penalizables cada unha delas con -0,25 pts.). Polo tanto:

a) Cálculo do valor do almacén ao final do mes de xullo de acordo co criterio FIFO: 1 pto.

b) Cálculo do valor do almacén ao final do mes de xuño co método do precio medio ponderado (1 pto.)

c) Explicación da diferenza entre os dous métodos de valoración (0,5 pts.)

Nota: No caso de que o alumno responda correctamente aos apartados a) e c) outórgaráselle unha cualificación de 2 pts.